

SCRIPT OF EVENING GOJRI NEWS BULLETIN 17JULY 1700 HRS

ایویننگ گو جری نیوز بلیٹن مورخہ 17 جولائی 2025

یوہ آکا شوانی جموں بے نصرت تے غلام سرور تیں خبر سُنو۔

HEADLINES

- ۱۔ صدر جمہوریہ درویدی مرمو نے اج 78 سوچہ سرویکشن اعزاز پیش کیو جس مانہ اندور نے مسلسل 8 ویں سال وی سب تیں صاف ستھرا شہر گو اعزاز حاصل کیو بے جموں نے سوچہ شہر غا زمرہ مانہ 13 ووں مقام حاصل کیو بے۔
- ۲۔ وزیر اعلیٰ عمر عبداللہ نے کہیو کہ جموں مانہ قائم ایمز نانہ ممکنہ طور ور بہترین مانہ شمار کیو جے۔
- ۳۔ شری امرناتھ جی یاترا 2025 نے 2 اشاریہ 50 لکھ گو بندسو عبور کر ليو بے۔
- ۴۔ بھارتی فوج نے اپنی بہادری غو مظاہر کر تا واں خراب موسم کی صورت حال مانہ وی یاتریاں غی زندگیاں غا تحفظ بارے اپنی کوششاں غو مظاہر کیو بے۔

PREZ SWACHH SURVEKSHAN

اندور نے ایک بار فر لگاتار آٹھویں سال بھارت غا صاف ستھرا شہر گے طور ور اپنو اعزاز برقرار رکھن مانہ پہل کیہے مرکزی حکومت غا سالانہ صفائی سروے مانہ سورت نے دوجو مقام حاصل کیو جد کہ نوی ممبئی نے تیسرو مقام حاصل کیو بے نواں ایڈیشن غا سوچہ سرویکشن 2024-25 غا اعزاز آج نویں دہلی مانہ صدر جمہوریہ درویدی مرمو نے ایک تقریب مانہ عطا کیو اس موقع ور خطاب کرتا واں صدر جمہوریہ نے اس گل ور زور دتو کہ صفائی وکست بھارت 2047 ویزن غو سب تیں اہم مدعو بچوں ایکام مدعو بے انہاں نے اس طرح کہیو۔ تاہم اس طرح 3 تیں 10 لکھ گے درمیان آبادی آلا شہریاں گا دفتر مانہ نانڈا سب تیں صاف ستھرا شہر گے طور ور ابھریو اس تیں بعد چندی گڑھ تے مائسور نے اپنو مقام حاصل کیو تے احمدآباد نے 10 لکھ تیں زیادہ آبادی آلا شہراں غا زمرہ تیں پہلی پوزیشن حاصل کی بے۔

CM AIIMS

وزیر اعلیٰ عمر عبداللہ نے کہیو بے کہ ان گو مننو بے کہ اگر ہم ملک گا 22 ایمز نانہ دیکھاں تاں ان بچوں جموں مانہ قائم ایمز غو شمار ممکنہ طور ور بہترین مانہ کیو جے انہاں نے کہیو کہ اس ایمز مانہ نہ صرف جموں کشمیر غا مریض آئیں بلکہ گوانڈی ریاستاں گا مریض وی آن لگا ہیں۔ تے سڑک گا کام کاج جاری گیو جہ سنگ قومی شاہراہ ور سفر کرنو آسان وی نہیں بے آن غو کہنو تھو۔

GOC IIM

انڈیشن انسچیوٹ آف منیجمنٹ جموں مانہ جنرل آفیسر کمانڈنگ ٹانگر ڈویژن نے ایم بی اے تے پی ایچ ڈی گانوا طلبہ تے ادارہ غا عملہ تیں خطاب کیو۔ اپنی تقریر مانہ انہاں نے بھارتی مسلح افواج غی کامیابیاں ور روشنی کھلی کاس طور ور آپریشن سندھور تے پہلگام دشت گرد حملہ تیں بعد فوج غی فوری تے فیصلہ کن کاروائیاں غو ذکر کیویاہ تقریر نہ صرف افواج غی بہادری تے عزمانہ خراج تہسین پیش کرے بلکہ نوجوان طلبہ واسطے قیادت غو سبق بے انہاں نے قیادت غو سبق جنگ گا میدان تیں دفتر غی میٹنگ توڑی غا مصوع ور طلبا نانہ متاثر کن گل بتائی۔

POONCH SURGERY

پونچھ گا راجا سکھ دیو سنگھ ضلع اسپتال مانہ ڈاکٹراں نے ایک بڑی کامیابی حاصل کرتا واں ایک خاتون پونم ٹنڈن غا جسم تیں گولہ بارے غی دوران آنال لگیو سیلنگ غو ٹکٹو کامیابی تیں بار کڈیو۔ پونم 2 مہینہ پہلاں قبضہ لکیر ور پاکستانی گولہ باری مانہ شدید زخمی ہوئی تھیں ابتدائی علاج مانہ ان غی جان بچ گئی تھی لیکن ایک شیل غو ٹکڑو ان غا جسم مانہ رہ گیو تھو۔ ڈاکٹراں نے مسلسل نگرانی تیں بعد نازک سی سرحدی غے زریعے اُس ٹکڑا نانہ بار کڈیو اس بارے مزید معلومات دیتا واں ضلع اسپتال غا میڈیکل سُر انٹنڈنٹ نے اس طرح کہیو۔

AMARNATH YATRA

اج 17 جولائی نانہ 2 بجے توڑی 5 ہزار 110 یاتریاں نے شری امرناتھ جی گفا غا درشن کیا ہیں واضع رہ جے شری امرناتھ جی یاترا 3 جولائی نانہ شروع ہوئی تھی تے اس طرح پہلاں 15 تہاراں مانہ درشن کرن آلا غی تعداد 2 اشاریہ 51 لکھ توڑی یچ گئی بے یاترا غا آغاز مانہ ہی ملک غا تمام حصاں تے بیرون ملک تیں

یاتریاں گو ہجوم دیکھیں جارہی ہیں یاتری نے یاترا غا انعقاد مانہ خدمات تے موثر انتظام نانہ سربان
غے علاوہ اس سفر غی شروعات مانہ زبردست جوش و خروش غو اظہار کیو۔

ARMY AMARNATH YATRI

جموں کشمیر غا اُپلا تے پہاڑی علاقان مانہ خراب موسم گئی پیش نظر بھارتی فوج نے ایک بار فر امرناٹھ
یاتریاں گئی زندگیاں غا تحفظ بارے اپنی کوششاں غو مظاہرہ کیو ہے تاہم اس طرح لگاتار بارش گئی وجہ
سنگ 16 جولائی 2025 گئی نماشاہ نانہ لگ بھگ 7 بجے 15 منٹ ور رایل پتھری تے بریننگ گئے درمیان
زیڈ موڈ ور پسی پین گئی صورت حال پیدا ہو گئی جس غا نتیجہ مانہ یاترا گئی نقل و حرکت روک دتی گئی
ت بڑی تعداد مانہ یاتری پھنس گیا اس سلسلہ مانہ بریری مرگ مانہ تعینات فوجی دستہ حرکت مانہ آیا
تے اس علاقہ مانہ پھسے وا لگ بھگ 500 یاتریاں نانہ خیمان مانہ جگہ دتی اس دوران ایک بیمار یاتری
نانہ وی خراب موسم گئی حالت مانہ رایل پتھری پنچایو گئی بعد مانہ ایک ایمبولینس بدر سنگ متعلقہ
بیمار فرد نانہ مزید طبی جانچ واسطے منتقل کیو گئی۔

SPL SCREENING

معزور افراد غی شمولیت تے تعاون نانہ فروغ دین بارے ایک پہل مانہ سی آر سی جموں نے ویو مال
جموں ویو سینما مانہ مشہوت فلم تارے زمین ور گئی ایک خصوصی سکریننگ غو اہتمام کیو اس تقریب
گئی سرپرستی بابو حلقہ غا رُکن اسمبلی وکرم رنداوا نے کی تاباس طرح 100 حاضرین بشمول سی آر سی
جموں غو عملو ت فائدہ چان آلا تے اُن گا والدین اس تقریب غا حصہ غا طور ور حاضر تھا وکرم رنداوا نے
معزور افراد گئی بہبود بارے اپنا عزم گو ادا کیو اُن غو کہنو تھو۔ تے اس موقع ور خطاب کرتا واں
دائریکٹر سی آر سی جموں ڈاکٹر رونیکا شرما نے اس طرح کہیو۔

SKILL DEVP

ڈپٹی کمشنر کشتواڑ پنکج کمار شرما نے آئی ٹی آئی غا پرنسپل انوپ شرما غے نال مل غے ایک بُنر مندی
غی تربیت غا پروگرام غو افتتاح کیو جہیڑو اُن نوجوانان واسطے ہے جن غا خاندان برا پن بجلی پروجیکٹ
تیں متاثر ہوا ہیں یوہ پروگرام صنعتی تربیتی ادارہ کشتواڑ مانہ منعقد ہو رہیو ہے جس مانہ نوجوانان ناہ
ایک سال غی مفت تربیت دتیجے غی خاص طور ور کویا غا شعبہ مانہ ہُن توڑی 18 تیں زیادہ نوجوان اس
مانہ اپنو داخلہ کروا چکا ہیں انتظامیہ غی طرفوں اُنہاں نانہ مکمل معاونت فراہم کی جے غی جسراں کہ
مفت کھانو رہائش وظیفہ تے اوزاراں گو سیٹیاہ پہل نوجوانان نانہ خود مختار بنان تے اُنہاں نانہ بُنر مند بنا
ن گا مقصد تیں کی گئی ہیں ڈپٹی کمشنر پنکج کمار شرما نے مزید کہیو کہ مقامی نوجوانان غی دلچسپی
نانہ دیکھتا واں جلد ہی مزید شعبہ وی متعارف کرایا جیے گا۔ اُنہاں نے اس طرح کہیو۔

KVK KISHTWAR

کرشی وگیان کیندر کشتواڑ نے دھان غی بیماری بارے انتظام تیں متعلق کسانان واسطے ایک تربیتی
پروگرام منعقد کیو اس موقع ور کسانان نانہ زرعی کیمیائی تے سپرے مشین تقسیم کی گئی تانجے فصل غی
پیداوار تے کسانان غی آمدنی مانہ اضافہ ہو سکے۔ ڈاکٹر نریندر پال جہیرا کرشی وگیان کیندر غا سربراہ
ہیں اُنہاں نے کہیو کہ ادارہ زرعی تکنیک نانہ فروغ دے رہیو ہے تانجے کشتواڑ مانہ پائیدار تے منافع
بخش کاشتکاری نانہ فروغ مل سکے۔ اس بارے گل کرتا واں کرشی وگیان کیندر کشتواڑ غا سربراہ ڈاکٹر
نریندر پال نے اس طرح کہیو۔

NEWS READ BY NUSRAT
NEWS READ BY GHULAM SERVER
NEWS EDITOR KUNAL SHRIVATSA
TECH ASST GOKUL
DEO NUSRAT